

永平府志卷二十

封域志二 山川二

牛山在縣東二十里有石狀如牛故名南為野狐峪有水束入漆北踰嶺十里即曬甲山

萬軍山在縣東三十五里一名帳房山其麓有清玩寺青龍河自東北而南冷口河自西北而南至山下合流

團山在縣東南二十里即次君山也孤竹次君墓在焉又名團子山舊名覆釜山一峯獨秀望如覆釜頂上有浮屠號文峯塔明萬曆中邑合張九三建

永平府志

卷二十 山川二

一

邑教諭南皮張太復登團山詩云秀絕單椒勢孤高一笠同緣雲盤細路與塔立層空城郭蒼茫外河山指顧中丹霄如可託我欲跨飛鴻

分屬嶺在縣東南二十五里俗名分水嶺路旁有牌與

盧龍分界

張太復分水嶺詩云陰嶺下分水高低路幾灣棹歌殘雪岸樵響夕陽山東北兩疆域春冬三往還青帘招客處駐馬且松關  
邑人馬恂分屬嶺倒垂古松詩云翻身低攫水何不擘青天龍飲噴山再松回壓嶺煙因依空雜木吟嘯動前賢相識蒼髯叟非遙四十年自註云下有巨石鑄楚黃魏師段龍吟虎嘯四字

龍泉山在縣南十五里中有古剎山腰有泉甚清冽歲旱禱雨輒應因名聖水泉上有蟒洞遺蹟又有石方

丈餘明萬曆中邑人李安仁題眠雲漱月四字於上

案龍泉世謂齊桓伐山戎所鑿蟻知泉脈者也

爪村山在縣南十五里產白土上有石城昔人於此避

兵

嵐山在縣南三十里翠色層沓雖晴霽氣沸如蒸山根

有洞水經注素河出令支縣之藍山即此南為秦王

頂

明邑人李安仁嵐山疊翠詩云列嶂千霄翠黛凝露蒸霧擁碧雲層斜陽笛裏山城暮徙倚南樓興倍增

羊角雙山在嵐山南沙河經之澣有石磯曰釣臺至野

雞坨與盧龍西洞山界乃灤之陰沙之陽也

永平府志

卷二十 山川二

一一

黃臺山在縣西南三里山多黃土其狀如臺灤水自西

北來經其右南流至嵐山折而東山陽有棲真寺乾

隆丙寅邑人鄭勳建亭於其上春夏之交遊人讌集

為邑勝境山上有墟今遺址尚存

明邑人李成性秋日續遊黃臺山詩云白帝行新令黃臺憶舊遊山河仍古昔歲月已遷流鳥向洲中集

雲依天際浮投竿垂小釣載酒泛輕舟目醉石疑虎形忘客似鷗放開江海量收盡水天秋

國朝知縣山陰張一諤登黃臺詩云林巒樹色起晴光野翠谿風入草堂百尺灤流漱白石萬家礎杵動寒

霜清分蕭寺松前月逸醉香山社裏觴心淨片塵何處著惟餘琴鶴伴奚囊又云循郊駐轡歷蒼苔極目

晴空翠嶂開野鳥含枝雲外出山僧指月水邊來欲吹青靄全披谷已送丹霞半入臺何日桑麻盈四境

莫教中澤雁鴻哀

南皮張太復重九後二日登黃臺山詩云節過黃花  
冷未開且攜樽酒上黃臺依然水遠山長勢已後登  
高作賦才樹色寒添新雨後河聲怒捲北  
風來醉餘藉草高歌劇又聽城頭畫角催  
邑閨媛高順貞黃臺夕照詩云口薄眾峯  
低紫翠變俄頃返照上孤亭空山荷笠影

五里山在灤西高十餘丈就石壁鑿佛名石佛寺又十

里有佛兒峪山西爲棲峯北爲芝麻嶺有寺

佛院山在縣西南三十里山勢環繞中有古刹

松汀山在縣西南三十五里高六十餘丈矗立沙河中

有洞三每洞可容二百人昔人結筏縛梯而上以避

兵下有澄潭石孔無數爲魚穴上有古公侯冢渡河

而西爲蕎麥山

永平府志

卷二十 山川二

三

香山在縣西南三十五里上有寺南爲沙河驛

挾車嶺石鼓嶺俱在縣西南四十里

馬蹏峪在縣西南四十里又西爲龍堂峪鷹觜峪

岳野山

一作  
耀治

在縣西南五十里下有勝水寺寺後山勢

壁立有龍虎二峯夜聞吟嘯聲寺僧怪之因削去西

有蟲蛇狺狗諸峪

城山在縣西南五十里有古刹多花果自黃山南三岔

山鴿子山驢駒嶺至甘家峪卽此山

館山在縣西南五十里城山西又名羅家嶺一名大嶺

山下有泉爲牯牛河源

血石嶺在縣西南五十里石色如血有泉清冽爲石河之源

福山在縣西南六十里與灤州界

三茅山在縣西南六十里黃山之右

雙頂山在縣西南六十里兩巒對峙中有古刹無梁殿下爲鳴盆澗盆乃石凹泉滴其上音如磬還鄉河經其北

雞冠山在縣西南六十里以形似名在馬蹏峪西

鷹背山在縣西南七十里山勢陡峻在雞冠山西又有大小嶺還鄉河經其北

永平府志

卷二十 山川二

四

甯山在縣西南七十里中有古刹在荆子山西十里踰松崖卽此山

觀音巖在縣西南八十里有大小二洞上有戍樓在柞子庵西又名二郎坨

貫頭山在縣西三十五里眾山起伏聯貫如珠其腰多竇黑鷹巢之北有靈泉寺香鑪崖在橫山西沙石合流之陽

平頂山在縣西四十里貫頭山西頂有平地頃餘可容萬人又西有四角山牛心山孤山

牛心一作羊心

尖山在縣西五十里貫頭之陰有妙峯在灤河西北三

十里羣峯攢立尖如立錐頂有石寨環以二泉有寺曰龍崖又曰赤嶺泉突出而南爲沙河寺後峯頭有石佛二東西相向俯身捧手低頭側耳酷似聽經者土人呼之爲聽經石佛

三盆山在縣西四十里

鴿子山在縣西四十五里

黃山在縣西五十里縣互十里巍然高聳昔人於此避兵內有灰窰峪舊關寨遺址也灰白如粉又名饒乾峪魏文成太安三年將東巡詔起行宮於遼西黃山卽此山麓有泉涌出西流成河

永平府志

卷二十 山川二

五

從照峪在縣西五十里灰窰峪前左爲長峯

蓮池山在灰窰峪左有正覺院泉出西行經崖兒口亦還鄉河源

葫蘆峪在縣西五十里內有塢兒峪朝陽背陰二洞又有文殊摩訶二洞世傳菩薩養心及摩訶修行處烽火山在縣西七十里澈河之濱巒頭接續不斷若傳烽然左有磯瞰中流有石窟舊傳黃龍居之

障樓山在縣西八十里高出衆山在稔子口渡西三里許昔人避兵處層聳如樓屏峙如障故名迤東爲長河源自董家口入至釣臺南入灤西五里有獾口峪

黃家山其怪石危立爲唐山西南連障十里爲望龍岡

澈石崖與龍井山近絕頂爲烽火臺兩崖如門其故關也今關移出十里許在雞冠之麓有垂綸臺出關十里爲柞子庵

老君禪山在縣西九十里俗傳老君坐禪於此有寺臨灤有黃崖產銀沙爲鑛洞今沙盡

白龍山在縣西九十里灤河之濱甯山之北上有浮圖井山在縣西九十里白龍之西三棱之北有井下通灤水

永平府志

卷二十 山川二

六

三棱山在縣西九十里有三峯在井山南相連有玉帶山

九家嶺在縣西九十里案俗名救駕嶺謂唐太宗征遼尉遲敬德救駕於此或音近而附會之歟

駱駝嶺在縣西百里以形似名其北高峯二十里爲玉帶山與楊老山柏山相連一作駱駝嶺

柏山在縣西百里多柏樹中有古寺又有香羅山橫水經其北

藏龍山在縣西北四十里又名龜口兩山雄峙灤水經其中匯爲深潭水中石上有龜龍影謂之龜龍津在

羅家屯南八里上有黃龍庵其後為偏崖子

案舊志藏龍龜

口作  
二山

邑人馬恂龜口詩云老龜呀呀笑不止蒼山劈破黃龍死北來大河何崩奔怒濤驚吼黃龍魂黃龍性急

青龍緩約之為江竟懶散五十里外方合流鱖嘲鯉歎聲啾啾天傾地缺少如願寄語羣龍休作健而今

河水來滔滔斷立積鐵雙崖高我踞龜石俯龍窟屈曲山根抱龍骨

邑閨秀高順貞峽谷影龍詩云峽口影蜿蜓潛形閱今古何不挾風雲與世作霖雨

採樹嶺在縣西北五十里即偏崖子昔人行兵至此曾

採樹依山麓為營

將軍山在採樹嶺西五里上有二將軍墓又西為柳河

石塘諸峪亘十里為釣臺臨灤可容百人祀龍其上

永平府志

卷二十 山川二

七

中有孤石高三五丈極深漁人集之山下為滴水崖

無泉而涓滴不絕

栲栳山在縣西北五十里高接洪谷關上有大洞二十

餘丈前面尖山有雲巖寺至五重安二里

長嶺峯在縣西北五十里二峯南北夾峙通道所經南

有清泉寺下有清水峪清河經其東入灤

玉泉山在縣西北五十里下有泉自石孔出

梁家山在縣西北六十里

太平山在縣西北六十里南北兩山去太平寨二里許

左川右河憑高可眺北五里峭壁森立清河繞之崖

下二磯魚多聚焉西五里有銀鑛山與鷓鷹崖對谷  
口僅容兩馬北爲華巖寺

小黑山在縣西北六十里相近有水峪寺山

大黑山在縣西北七十里有大方黑石玲瓏透剔手蹟  
宛然舊傳爲攻書臺臺上有泉石微凹大僅盈許水  
出不竭山崖有四平石其山周環三四十里中峯高  
八九里上有望海龍王廟無梁棟以甎瓦懸築不知  
歷幾何時峯東偏有洞傳爲異人修真處洞有巨石  
凹如人坐之迹山下東南北三面俱有蘭若其南麓  
有泉出石上倚石築屋竈置流泉之下製爲曲溝閘

永平府志

卷二十 山川二

八

以木板使水外流炊時抽板水卽注入釜內俗傳韓

湘讀書其上故名攻書臺

明崇正七年遊人刻詩於石土云榆關烽火息疆吏  
亦登臨繆爾山川氣蒼然檜柏心天光親絕巘春色  
透邊陰銘石終塵  
迹赤松尙可尋

五虎山在縣西北七十里原名九山下有九泉匯而入

灤或曰以山有九疊名之旁有袁李洞對面松林有

古刹在灤水濱長河合於前山北卽米峪口大路

初甚險阻不便行旅康熙十年山  
西介休商人段文德捐資鑿平 康熙二十年冬十

二月

聖祖仁皇帝狩於此山獲五虎 詔改爲五虎山

案畿輔通  
志以九山

五虎山列爲二又別出九峯山並非蓋九峯卽九峯名  
遷安舊志亦別出九峯山詩云近塞山連少平土芻蕘  
南皮張太復五虎山獲其五天爲連少仁皇示神雉  
兔無猛虎一日曾聞雲罕羽騎彌山隈漫岡絡再  
當年罟突萬乘從天來雷烏號雕弓夏服箭一發再  
被網罟出白額奔風雷號雕弓夏服箭一發再  
發血雨濺範用三驅禽得五號雕弓夏服箭一發再  
一百一十有八載窮搜得天顏萬歲聲呼人億萬  
皇射蛟江水中周王捕虎志號東此間射石能飲羽  
亦有飛將留英風前朝軼事何足數標名典特盛扇  
八方同猗歟九山亦何幸長輝映小臣瞻山向天闕  
遙相望景忠高靈山秀色長輝映小臣瞻山向天闕  
民無疵癘物復無天札深山窮谷盡人煙毒螫猛噬  
遠驅撻聖子神孫復孫萬年神武稱不殺

城子嶺在縣西北八十里有寺昔有僧居此募化往

來二虎隨之關東有白雲山關西爲伏虎山迤北環

永平府志

卷二十 山川二

以湖又西二十里爲寺兒谷

牽馬嶺在縣西北八十里山形陡峻過者不能乘馬故

名

烽堠山在將軍山下滴水崖之西十五里山北有石插

灤爲刀兒崖

大荆子峪山小荆子峪山在建昌西南十八里以所產

名

范山在縣西北八十里五虎山北至米峪口大路二里

芹菜嶺在縣西北九十里十八盤山之南去榆木嶺關

十二里

五峯山在縣西北九十里頂有五峯高里餘左右爲龍  
虎二峯下有唐寺前有天橋川漲常高數尺其流入  
還鄉河又冷口外別有五峯山

大青山在縣西北九十里太平寨西六十里迤西有橫  
山北爲董家口關又北三里爲遊鄉山兩山夾溪如  
錦步障又西五里爲勝嶺水東西分至龜口合

女兒山在縣西北九十五里又西爲鐵門山

十八盤山在縣西北百里自爪山盤曲而入宛轉崎嶇  
凡二舍餘總名曰十八盤行人稀得見日在榆木嶺  
關南去董家口二十里

永平府志

卷二十 山川二

十

榆木嶺在縣西北百里明洪武初設關在寺兒峪東二  
里嶺南二里爲爪山

石盆山在縣西北百里頂有大石盆泉涌上出冬暖夏  
涼旁有石洞曰勝水對面有鸚鵡巖其陰爲青山關  
營

楊老山在縣西北百里採樹嶺北

中峯山在縣西北百里恆河經其西二十里合灤

窟窿山在縣西北百里鐵門山南高與鐵門齊頂明如  
月洞高十丈大小二孔內極寬廣周十餘里小洞十  
數極巔大洞紅紫鴉巢之轉而東懸石皆五色坡上

鼓以八音莫不應焉

三十二窟在縣西北百二十里中有深窟三十二昔人避兵處

景忠山在縣西北百二十里矗立雲表高八里許在三屯營城南舊有二名南曰明山北曰陰山明嘉靖中總兵馬永建三忠祠於山巔改今名取景行義又立碧霞元君祠增置神遊亭每年四月十月遠近進香者如市因設官收稅以充撫賞之資 國朝康熙丁巳 聖祖仁皇帝駕幸此山題靈山秀色匾於祠中道光乙巳燬於火又 御賜金佛一尊重十

永平府志

卷二十 山川二

六觔四兩高一尺六分珠冠一頂重五兩三錢同時

賜藏經一堂香火地五十八畝六分今俱存三

道茶棚有牌坊一座上懸 御書天下名山額今

廢四帥殿牌坊一座上懸 御書名山初步額今

存大殿前南天門東壁臥碑鐫 世祖章皇帝

敕書一道山有知止洞一名別山洞即別山上人修

靜之所也

明總鎮戚繼光景忠山死事祠奠文云欽差總理練兵事務兼鎮守薊州永平山海等處地方總兵官中軍都督府右都督戚繼光等奉勅贈光祿大夫柱國鎮守總兵官左都督陣亡孫公及闔鎮陣亡副將參遊守提中軍千把總管隊等官軍之靈於新祠奠而告之曰嗚呼公等或統三軍或膺一命下至行伍

受任雖殊報君則一其間克敵致果宜取義舍生即不  
 得已而亦無苟免之羞死難攸同所宜無愆顧位咸  
 制立祠於死所而祠湮沒者亦祠者繼光愨之檄上  
 缺不復知為何人即具祠立分祠於其城營為總祠  
 總制乞行僻野直附之城中更於三屯營為總祠  
 越在窮山僻野直附之城中更於三屯營為總祠  
 而祀曾於灤陽之滸見有總祠垂廢又見忠山絕  
 巔有附祀者幾人弗便弗專乃獎率保河三屯等營  
 將士鼎建茲宇以灤陽景忠所祀暨鎮屏陣以志不  
 東西列廡分路置一各登封號貫於防而守備二  
 朽是日適五標十路將領會籍貫於防而守備二  
 十五衛所聽較軍務易之萃渙詩之相祀茲惟其時  
 而獎忠揚美鼓舞士主等位肅然咸享而昭告夫光  
 遺像建諸將士每念國恩甘死幸而功遂身退  
 等之寄與公等稷之福也光等厚幸亦且為社稷幸  
 與公殊不微有伏臣等罪人與否不敢知然  
 若神麻不可笑九原為安等罪人也嗚呼當公等死  
 偷生者何限今其骨安在視息誰寄精爽誰憑即今  
 奔走祀事者又誰為乎獨公等忠烈不死者在天猶  
 在人耳崇報有所以祀事孔明秋鎮帥躬營屬祇謁  
 又申令凡將士過者必謁且我有田以資修葺有血  
 雖下必速重其為國殤也弗替我明萬年永歷生者食  
 專灑掃器皿咸備不可毀則廟貌萬世視彼偷生者  
 萬年惟城也萬世不毀則廟貌萬世視彼偷生者  
 得孰多耶靈爽不昧見我將士之誠憑鼓旗張殺伐  
 用舒憤氣以報國恩以奠我邊疆則光等所私禱祈  
 也者

郭造卿總理薊永戚公景忠山去思碑略云昔公總  
 閩浙兵事矣驅島彝而復郡縣之軍禁掠如市租  
 士退讓如無忌善料敵合變出奇無窮聲振天下如  
 如牧之為士卒費料敵合變出奇無窮聲振天下如  
 起而尚首功故家俎里祠相望然已定七省之反  
 側渡海不尚首功故家俎里祠相望然已定七省之反  
 留之是時已身經九十七戰功成退公亦勞苦兵  
 革矣朝議以居重召公入京營旋出總練兵兼守  
 薊鎮議以居重召公入京營旋出總練兵兼守  
 人也薊鎮議以居重召公入京營旋出總練兵兼守

扼坳年闖壁茨錯四禁百堵甫作而安宅之歌興  
又三年闖壁茨錯四禁百堵甫作而安宅之歌興  
斷之廉紀嚴武協府左右標具重奇兵有城之高廣  
堂以佐守備殿最將士十二旌旗如雲九載不義  
衛如也春秋殿最將士十二旌旗如雲九載不義  
秩成而以其休暇服習忠諸壇翼其顛束香而禱之  
若文武廟陰山碧霞景以佐軍興日曩月上歲時  
者不遠千里薄取爵金以佐軍興日曩月上歲時  
女婆娑潁闕三屯樓臺旁東湖而映若海上三山  
五湖因濠爲險導谿而灌溉蓄鱗而瞻饗羞護之  
柳隄憩以荷亭綵鷁簫鼓而游繇紳縫掖投壺行觴  
閒賦鑄歌而雜銅鞮然諸所繕營於簡覈節晉士未  
嘗告勞蔽野牛羊塞川永圖也經版築日興而修邊  
烽黍稷餘暇也羊塞川永圖也經版築日興而修邊  
乘隙之暇已而制固鎮城關營湯泉以修邊  
閱除潮河松關之捶扼軍山永連雉堞難  
而病五旬不寢猶篝燈治軍焉公將垣千之  
自苦如此公之言臣本死官幸旦夕未將垣千之  
隙而使一矢之穿也將橋百道之川而使匹馬之

永平府志

卷二十一

山川

十三

莫度也將慰九邊之情而使閭左之不戍也蓋公功  
成後感上寄託重又勞苦於薊十年乃移鎮南粵去  
夫善息保百中則復射而幸完轍而稅駕矣外日闔  
日千里既百中以藏弓幸完轍而稅駕矣外日闔  
鎮赴關留不可罷市而哭攀轅相屬追出境外日闔  
絕耄耄咸爲孺子慕言官以羣情請召公回薊父不  
老日祈得所願其子弟而南武自公興社乃有登  
科者子衿亦日望父老爲子衿絕望相與肖像復  
請重公節鉞往鎮之將去爲所絕望相與肖像復  
忠山而祀之先是公將去爲所絕望相與肖像復  
絕莖桃李喪華歸於堵高枕彌思而鄰關荼毒薊則  
又以堅利完士民安堵高枕彌思而鄰關荼毒薊則  
江以西舉人薛華封遊景忠賦云爾其龍從巖嶽  
崕嶠峭嶮嶺峨嶺壯賦云爾其龍從巖嶽  
之金城馳滄海以走障灤水而西傾上倘恍而有  
見下寂聽以無聲中如簪而崛起山岫之權衡儼  
龍首之瞻雙闕仰黿頭之翹大廷有靈以嘉慕兮  
戀君之恩之真誠惟仰止之必景兮錫以嘉慕兮  
人告余曰此其爲景忠山也必景兮錫以嘉慕兮  
宿聯恆山於衣帶割太行於襟袖其禎上應風

詩詳其受授百川注潤則月澗分甘列雉環青則花  
封錯繡居金穴貨殖擅高峙日照陰於其間又焉能  
襲班楊之舊章蘊秀與兹擇良日步行透蛇屏車馬  
承藉而為含蘊所之與素心之相得微行以藉  
嬉上陂陀分隴瞻飛將之魏祠焚之妙容儀執如意  
以指揮洵不謬而能持二神之交或耿如脫弁以恬  
遲儼貌虎之環衛列十威以報國死如廟於邊陲垂  
或如按劍而怒馳生奮雄姿足矜頑而離循廊庶以  
俎豆於不几筵之一寥落復棟宇之崩離循廊庶以  
於有司何為之持顛而復棟宇之崩離循廊庶以  
惻守祝不為之持顛而復棟宇之崩離循廊庶以  
俯高簷若出深井雲葉以垂陰日中峰而倒影攀  
薦蘿之密蒙效猿獠飛神間而氣整深戒稟垂石堂  
以自顧斑白以扶搖飛神間而氣整深戒稟垂石堂  
梁誠未敢試乎徐以暹石棟森羅而薨君也仰法宇之  
特啓坦天衢而徐以暹石棟森羅而薨君也仰法宇之  
嫪毒倒政刑於左實乃孽宦之以監兵懼軍容而氣奪  
豐碑屹立於道左實乃孽宦之以監兵懼軍容而氣奪

永平府志

卷二十 山川

慨忠良之焚別國運為之中枯貽謀於焉潰裂為後  
來者之作鑿孰不慮此而存惕彼宵小之靡甯國與  
家而一轍故寬假者危而冷翼緒風之颺石背嶮  
步一遨遊引宛澗之冷翼緒風之颺石背嶮  
巖而莫援繚曲宛澗之冷翼緒風之颺石背嶮  
以熊道則見夫千丈之楓百圍之惕息以狼顧復趨  
礪挺此君芝竹敷餘東風之菜芬披南陽之菊杞松  
夜吠之厖芝竹敷餘東風之菜芬披南陽之菊杞松  
揚薰非騰馥夫非山之靈鬱紛榮墳阡塞谷不燎  
者哉乃躡而上躡於天谿指流汗十步聲嘶習騰  
猿之相接若聯臂之躡於天谿指流汗十步聲嘶習騰  
於焉跳躍於塵泥險峻踰九折之銅門而右轉駭以  
上焉跳躍於塵泥險峻踰九折之銅門而右轉駭以  
蟬不息顧謂同行母乃憊力文章蔚始得清風徐來  
區咳唾成珠巧落雲鵬之翼雖登蔚始得清風徐來  
天開望寺無門窈爾藏寺之翼雖登蔚始得清風徐來  
聽鯨鐘之宣音由高遞下宛折於焉聆法鼓之振響  
起朱宮窈窕以雲深洵此山之轉折於焉聆法鼓之振響  
靈旗搖颺於天半鸞駕憩止於茂林緬碧霞之皇祖  
乾運驚清蹕之巡臨為蒼生兮祈福降膏液之甘霖

瞻廟像而起敬洗宿夜之潔心或御筆於龍象亦手  
畫而口吟歷殿堂之重疊周曲廊之往復見旁楹之心  
低敞香火之寂寞是陳依芳馨而有託雖力宏藝之  
聯襟文岳謹拜首乃陞登後軒接見慧辯道無奧深  
未薦諒神感於冥漠相傳去今證天人於舒卷  
言容端善溯法寶之洞過要典貝多今證天人於舒卷  
不宣妙無微而貯空王富貴如貝多今證天人於舒卷  
仰賜藏之我篆宜其視富貴如貝多今證天人於舒卷  
笑發揮於龍篆宜其視富貴如貝多今證天人於舒卷  
纏身之蘇者耶洞窗大如貝多今證天人於舒卷  
正中赴岡巒之奔馳萬馬而來胸舒睇四望白利若  
趨碣石以朝東又似滄波之雄鎮騰湧而怒沖  
或上拔以高聳或壯於窟塞天地之玲瓏撮指  
走千接連龍吸陰陽之一窟塞天地之玲瓏撮指  
泰岱北來青龍裏以濛濛之氣含萬景而昭融不  
色之窮焉雷迅濛濛之氣含萬景而昭融不  
其所窮焉雷迅濛濛之氣含萬景而昭融不  
地駭海水之上飛慄片雲之雨墜鬼神之密如無  
龍捲尾而掉戲鱗甲之蜿蜒太白金光而閃電閃  
閃以逼人震空山之精魅從太白金光而閃電閃

永平府志

卷二十 山川

駕駟乘紫宮之成算埽櫬槍與妖慧溥膏澤於羣芳  
試真宰之利器有風自南倏焉清朗擺落氛穢一羣  
滌盪出寺門而徘徊恣顧盼之高昶指卓立之羣峰  
按林之仙掌咸負氣以競高雖培嶁而仰羣羣飲  
霞而吐霧欽摩天之肅爽釀湛碧於新晴日華之  
混瀆吸清氣以凌虛餐翠微而自賞思欲秦祖摩  
訶之流超六極而長往使飛廉舒往來兮周天池而  
東皇金母於斗魁之上神飄飄以舒兮周天池而  
稅鞅宴帝臺之羣響兮揚風舒鶴警廣白雲之遐  
謠兮聆鈞天之逸響兮揚風舒鶴警廣白雲之遐  
想望青雲而浩歌兮遵意遠而步履歸途樂不可極  
兮笑學仙之法侶返顧來徑細步歸途樂不可極  
貴徐趨謝法侶返顧來徑細步歸途樂不可極  
難流而下易圖猶學術之升固扶路而殊塗匪  
白日以西下啼空巖之鵬雜慍降固扶路而殊塗匪  
而為娛愴盛年之寥落梗長念於雲衢折孤狎山都  
石發清嘯於茶追夷齊之高節雨流淚以沾襦承  
二叟之結願行止之與俱顧臺省而整轡志不忘  
乎江

湖

長洲尤侗謁景忠山詩云磴道盤盤七十二板車宛  
 轉似猿捫羣峯皆作兒孫立絕頂應知天姥尊夜月  
 靈旗招五岳春風社鼓走千村迎神擬賦離騷曲欲  
 薦湘君乏蕙蓀又憩石洞留贈別山上人詩云石  
 洞陰森小有天朗公卓錫此安禪鉢龍夜靜歸山  
 野鴨秋高起海煙玉磬每聞邨照裏蒲團忽掛御  
 爐前懸知樹下無三年  
 宿面壁因何厯九年  
 錢唐高士奇扈從登景忠山極頂應制詩云曉  
 肅前驅遠峯忽迎面馳目迷煙蘿游鞅豁蔥蒨偪仄  
 馬難旋鬱紆磴屢變五步十步中髣髴樓閣現直上  
 丹梯懸橫題金粉綉天風引翠華斯須若奔電峻  
 陟慙微躬傳呼復扶倩憑虛迺振衣心悸猶眩俄  
 驚巔崖飛翥盡美善山光愜振睿情萬靈答隆  
 眷

知縣靳榮藩景忠山詩云景忠山色何縹緲石磴如  
 雲樹如草盡收遠山作近山山隈起伏千岩小憶昔  
 能說湛恩渥澤盈原田我到行宮瞻聖蹟老尚  
 雲樹如草盡收遠山作近山山隈起伏千岩小憶昔

永平府志 卷二十一 山川 十六

瞻星月畫瞻院始識名山原尋常煙雲都自應自御  
 書出復從別院拜三忠仰止高山異代同當年應自御  
 入山宸賞許留報祀依琳宮歸路卻疑從天下筍輿  
 面山身似架仰看虛無層霄間曾於其上共僧話又  
 口號云三屯營外景忠山類眺煙雲萬里間舊是  
 觀仁皇蒐獵都將田牧付民間又云景忠山畔  
 詞臣拜賜江村學士富縹緲載筆  
 張太復景忠山詩云路指三屯外青蓮朵朵先皇舊  
 穿石立一徑與天爭路行殿仍餘跡游亭七十二指  
 列營雲欽睿藻常傍九霄明又云游亭七十二指  
 點翠微間北顧吞雄塞西來俯亂山高峯原近日猛  
 士想當關祠宇三忠在風雲正鬱盤又景忠山西樓  
 縱眺詩云丹樓跨層峯飛動凌絳霄到此如緣雲坐  
 據西山椒下俯萬山怒湧如崩潮一氣青蒼中煙  
 嵐羃岩腰下恍千雲外丸鬱不消云是無終城中大  
 塊欲動搖茫茫白鶴乘之邁松喬弱水三萬里曠  
 顧百遙我欲呼黃鶴乘之邁松喬弱水三萬里曠  
 望或可招乾坤儻已暮罡風正  
 調刁一落驚鸞鳳腐鼠爭鳴鴟

鹿兒嶺在縣西北百二十里景忠之陰嶺東卽三屯營城置灤陽驛橫河在嶺東三里合城北獅子峪諸流至四家峪入灤

元武山在縣西北百二十里山峯獨峙上有真武廟在

三屯營北橫河發源山下東南流入灤

知府李奉翰登元武山瞻禮詩云石磴紆迴碧樹巔  
昇人指點入蒼煙巍峩樓閣凌霄上層疊峯巒列檻

前晃朗秋光普大地清虛法界近諸天

屏營瞻禮如臨在心跡怡然靜萬緣

南皮張太復元武山詩云飛閣凌雲起眞疑帝座臨  
人同高鳥立寺出亂松深絕塞千秋感長城百戰心

浮雲看不極直到雪山陰又元武山尤少保繼先  
祠詩云元武山高知幾經將軍獨目想聲靈擒渠火

永平府志

卷二十 山川一

十七

朔西陲移鎮更遼陽呼吸風雲百戰場三仕威名留  
朔漢十年勳業亞南塘卒憑收召疑先起寇不窮追  
計豈荒貌得笑嘖兩番漢侶將恩怨識夷羌  
自註云肖兩番人左右侍一笑一啼狀如生

祁山在縣西北百三十里

疊翠峯在縣西北百三十里遠望山峯疊疊翠色如滴

與唐王臺打兒山月城山接其外爲長城嶺諸山近

川自鹿兒嶺西流入遵化

六寶山在縣西北百三十里山勢深廣產金銀銅鐵鉛

錫在壽星南半舍

鐵門山在縣西北百三十里至鐵門關二里關外有大

潭喜峯水之源也

喜峯山在縣西北百六十里窟窿山西十里為西山嶺

即古松亭山也其峯削下巖腰有洞高二丈餘深倍

之上有古夷王墓南行二十里為小喜峯兩石並立

俗呼公婆兒今其一已折半矣西南三里為老子峪

### 下為團亭寨

元許有壬喜峯口詩序云灤陽驛北四十里有雙冢  
 世傳昔有久戍不歸者其父求之適相遇此山下相  
 抱大笑喜極而死遂葬於是因謂之喜逢口亦猶望  
 夫之有石也雖莫究其世代姓氏而其言有足感人  
 者故作是以記之其詩曰兒寒解衣重撫兒去時  
 食孰忍訶長成與國遠負戈一去不返當如何去時  
 云戌東北鄙直出榆關度遼水白頭郎罷與影俱豈  
 憚關山千萬里天教此地適相逢父曰從天墜吾子  
 笑疲樂極俱殞身誰謂情鍾遽如此官家開邊方未  
 已同生又別甯同死山雲漠漠風颼颼山頭雙冢知

## 永平府志

### 卷二十 山川

十八

幾秋當時不忍一朝別今日翻為千古愁猶勝貞女

化為石終古孤身雙不得清江影日悠悠行人一

去無消息案此喜

峯當是喜逢之誤  
 明兵備副使姜永喜峯口關詩云自古名關說喜峯

巖巖非豹亦非熊懸崖松影遙摩漢絕頂泉聲半入

空北抵煙沙通塞北東連山海接遼東

可憐秦世防危策萬里長城絕域中

會稽陶允宜喜峯道上呈戚少保詩云薊門往事震

京華十六年來靜不譁閣夜半風聲度道城懸千嶂

壓龍沙空中雲影連樓閣終古在皇家  
 笏老將莫憐心力破金湯客初來戍卒是瓜期去  
 武進唐順之曉發喜峯詩云客心流水與爭馳寒壘  
 疎星度峽時未返王孫猶草色初來戍卒是瓜期去  
 鄉祇覺蟬聲似出塞方知馬脊危辛苦下情何計達  
 早年曾誦采薇詩又登喜峯古城詩云絕頂孤峯  
 見廢關短衣落日試躋攀三秋豹旅方乘障萬里龍  
 媒正滿山候雁似隨鄉思去寒花將送使臣還籌邊  
 迂薄真無補空望伊吾抵掌間  
 自註云時三衛貢馬散牧關外

王演宿喜峯口城樓詩云萬里秋風暮華夷到此分幾年望紫塞今日宿黃雲片石臨關見孤軍擊柝聞燕歌爭勸酒強飲不成醺

國朝樂亭知縣德州趙大經喜峯口卽事詩云幾日關城誦采薇簡書堪畏未言歸調鷹野外風初勁牧馬山頭草尙肥上將乍承新節鉞健兒爭著舊戎衣誓擒贊普應尋約莫道松州但解圍

錢塘高士奇扈從出喜峯口詩云清蹕出雄關鳴笳爲險要戰壘虛風生孤城斜日照年年荷戈人未得息征調自從被風生孤城斜日照年年荷戈人未得不用驚烽燎喜隨至德遠近奉明詔遂使邊隅民萬乘來快哉肆登眺

鳳翅山在縣西北百四十里又名舞鳳山形若鳳與中

### 峯山接

壽星山在縣西北百七十里澈河之陰去漢兒莊五里

### 永平府志

### 卷二十 山川二

十九

舊名勒馬山明總兵戚繼光改今名東爲五老臺蓮

花峯西有石壁諸窟中窻其團獨兀曰平臺昔人避

### 兵寨也

將軍石在壽星山之巔高二丈屹然而立

澤高山在縣西北百八十里袤五十里高七八里盤折

而上土名三十二窟道其陰爲松茅峪

郭造鄉曰遼澤州有祁山

九宮石子嶺此山可以當之因改名澤高山

珠山在澤高山之陰有圓覺寺臨灤河西崖爲朝宗巖

李家峪在縣西北百八十里鐵門山之右高出塞上俯

視羣峯至喜峯口八里

大小尖山在澤高山之陽並如兜鍪大者尊嚴小者崎  
嶇相次釣臺小尖山之支也澈河至此十一曲而匯  
焉松臺大尖山之支也舊有蓮心館其旁爲龍井山  
長山在縣北三十里

金山在縣北三十里白羊口關西南半舍上有寺卽山  
爲名下臨灤水其東鑿山爲路蜿蜒如蛇山北爲瞭  
高山

塢子山在縣北三十里于家坎之北

降龍山在岳孤山西北三十里中峯拔豎左右如伏一  
名堡子山

永平府志

卷二十 山川二

二十

三嶺兒在縣北三十里瞭高山南十餘里嶺北爲五重  
安東北蛤螺河下入於灤土人開渠灌稻田

蓮塢山在縣北三十五里爲擦崖子關有琵琶洞狐穴

其中

案通志在縣北三十里高三  
十丈周三丈以狀名

阿羅山在縣北三十五里

臥龍岡在縣北四十里建昌營北門外冷口河經其東  
關帝廟嶺在縣北四十里建昌營西門外上有關帝廟  
石門子山在縣北四十里石形夾峙天然成門山高七  
十五丈半坡有風洞每年夏月望日賽之三里有白  
道窪其嶺石壁下有泉三眼河源出焉

白羊山在縣北四十五里石門關西八里關東二里爲  
馬城山山形排列如牆長百餘丈迤北多青白石可  
鑿爲碑西三里爲韭葉山又五里爲擦崖子關

南皮張太復白羊峪敵臺懷古詩云我來白羊峪懷  
古心蒼茫不見白羊關但見青山長青山起伏如駭  
浪西來直到東海上蜿蜒一氣奔游龍萬里回頭祇  
一望遠距居庸近喜峰直走山海地忽窮長城高下  
互鉤帶隨山轉澗紛崇墉崇塘迴環接敵臺臺臺相  
望四面開臺各二成門十六內外關通珠九曲她窟  
仰穿忽透天睥睨橫空恣遐矚當時扞制由南塘勇  
夫重閉成金湯土蠻朵顏屢闕伺鴛鴦陣結分圓方  
千騎萬騎漫蹙踏飛礮轟擊拒馬如排牆長槍在芳  
亭日遊覽北山南廟驚破膽十年烽燹靜幽燕宛在  
中朝肘無掣江山廟宜黃司其權飄忽神宗四山載  
寺弄權時事改關門出入虛無人空有堅城屹山海  
城郭如故人民非此間形勝依然在於今中外稱一

永平府志

卷二十一 山川

家戌卒常間遼海涯天下有道四夷守邊隅設險何  
足誇君不見青山四圍斜日冷一帶清溪動光炯乘  
高四顧人煙稀老樹青蒼被岡嶺好及春來薄薄落  
落開雪花踏徧銀雲十萬頃自註云山下人家多  
植梨樹一望無際

樓子山在縣北四十里山形如樓相傳爲縣城發脈之

山又名猴兒山南十里爲屏山

東龍山在縣北五十里

佛面山在縣北七十里白羊口關西亦名三角山至五

重安四里其峯多圓有巨石遠望如佛又名達摩峪

北有槽子嶺石垣約七尺許中空如槽再西十二里

卽栲栳山

岳孤山在縣東北三里屹然獨峙一名耀孤山亦名要  
孤山陽有古寺三里河經其麓南為次君山又南為  
分屬嶺與盧龍界

蟒山在縣東北十五里產鐵昔有冶古傳山東有深穴  
三蟒出人為害官軍射殺之村因以名西南三里許  
有蘭若院山南即牛山在岳孤山東半舍

記要謂蟒山以山形蜿蜒而名  
案顧祖禹讀史方輿

蘭若院山高十丈周三里上有廢堡今人呼為羊欄山

曬甲山在縣東北二十里或云李廣曬甲於此或云唐

王無徵焉迤東為青山巖

永平府志

卷二十一 山川一

邑人馬恂曬甲山懷古詩云風雪鐵衣冷揮汗鐵衣  
溼鐵衣欲解無時休連山戌火傳烽急夜保前山望  
敵兵朝開戎幕列連營朝朝夜夜鐵衣重歲歲年年  
邊戍更沙場春草黏天碧指點空山曬甲名曬甲誰  
自逸枕戈英雄出鐵馬偶閑金鱗光射日山石嶠  
嶢風颺鐵衣未乾催筆策將軍戰罷脫征衣干騎  
奔騰雪打圍齊向山前住麾節瞳矓紫塞麗陽暉浴  
鐵光寒解金鎖小偃干戈盤礴裸兜鍪久欲忘  
坐撫青唐惟爾我青唐垂甲工精良貫竅還能刮箭  
鏃騎陽炙甲劉忠武未許鞞順昌茫茫今古誰  
同異莽莽黃雲道長山前片甲今無在笠蓑時來  
農負耒曝背山陽話漢唐俗語丹青辨無礙日月光  
明兵氣銷中外一  
家恢聖代

河架山在曬甲山東北又北白羊口河流入漆

瞭蟒山在縣東北四十里昔傳有蟒樵採者登峯望之  
山有紅白二坡紅在冷口關西南灰窰坡下白在口

外三里許圻人取之坡有溫泉有池三可浴明內官  
繕以石柱木闌今廢僅存一池

明邑人李安仁冷口溫泉詩云白雲堆裏碧泉開一  
脈融融繞戰臺不是榆關寒氣重那知春意此中回  
國朝邑人潘文本溫泉詩云寒衣無望寄征輪淚灑殘  
癥凍血痕終古荒沙埋戰骨泉臺猶喜作春溫塞  
月胡霜冷莫論泉開湯沐萬家溫恩  
波聖世無中外近日春光度玉門

雞林山在瞭蟒山東徐流口關無蝎其營西爲烽口山

山外水流經薄過莊至萬軍山入青龍河戚少保開  
水田處也

武家山在縣東北四十里鹿尾山之西其巔有登龍石  
周二三丈許上平下銳撼之欲動上寬敞可布數席

永平府志

卷二十一 山川二

二十三

鹿尾山距城六十里青龍河經其南與盧龍界

佛兒峪距城六十里有石高廣三丈就石壁鑿佛

口外山俱在縣北

桃林口外

佛爺洞距縣八十五里

鶯窩山

雞冠山距縣百十五里

石梯子山距縣百十五里

茨兒山距縣百三十五里

半壁山距縣百四十里至葡萄溝與撫甯界

冷口外東北路

山神廟距縣八十里

五指山距縣百里

雙虎山距縣百十五里

大石門距縣百二十里

淘金山距縣百三十五里

廣財山距縣百五十里

車川溝距縣百八十里兩山夾路勢如壁立宛轉崎嶇

長十數里

映壁山距縣百八十里

永平府志

卷二十 山川二

二十四

魚鱗山距縣二百二十里峯巒層疊石有五色若魚鱗

然至絆馬河與塢子溝界

拉拉嶺距縣百九十五里左山右澗徑極險隘車難並

軌

冷口外西北路

五峯山距縣九十里卽大相山上有飛泉

牛心山距縣百二十里

都山距縣百七十里高三十里周倍之一名馬都山唐

開元二十一年郭英傑與契丹戰死於此山高寒聳

秀俯視羣峯爲郡之鎮山其水中分東歸渝西歸灤

山頂有白沙似雪或云雪積其巔迄夏不消望如堆

玉其西峯巒相屬者曰蕎麥山

明高飛苔石裂朔風捲海聲如雷一夜都山滿頭雪干

岩萬壑光玲瓏瓊臺瑤室開仙宮是

中可望不可到安得一訪浮邱翁

知府福建陳所立都山望雪詩云祁連絕處總燕支

到此回看北斗低六月山頭猶戴雪罡風吹落薊門

轅門齊距縣百七十五里鑿山為路高似轅門

柵子嶺距縣二百里山多柴木故名

老虎洞距縣二百三十里至達子溝與埕子溝界

白羊峪口外

永平府志

卷二十一 山川二

二十五

沙兒嶺距縣八十六里

擦崖口外

杏葉坨距縣九十里

柳子峪距縣百十五里

榆木嶺口外

雄虎頭距縣百二十五里

董家口外

孤山子距縣百三十五里

峪兒崖距縣百四十五里

三叉口距縣百六十里

背搭嶺距縣百八十里

喜峯口外

黑山背距縣百八十五里

苞欒臺距縣二百五里

夢子嶺距縣二百十五里

南天門距縣二百二十五里

救護嶺距縣二百三十七里

野雞峪距縣二百四十五里

黃崖距縣二百五十里徧山皆塢出自天成俗名黃崖

萬塢上有獨木仙橋至冰窖口與八溝界

永平府志

卷二十 山川一

二十六

錢塘高土奇奉和御製過黃土崖原韻云黃崖天外削碧樹半霄懸徑絕遲歸鳥山空聚午煙北來千嶂密西去一關偏萬乘披襟處風迴百尺巔又黃土巖詩云何年鑿山骨屹立疑千尋徙倚不可即駐馬空沈吟藤梢與葛刺蒙密何陰森懸崖支一木微徑通欵欵巖扉有遺跡邈矣煙霞深杳靄青松際白雲迷至今
--

鐵門關外

桃樹峪距縣百三十五里長河左側由嶺突出一枝如身之有臂橫互五六里懸崖百丈具飛動之勢山腳皆石罅長河經繞其下透崖而過崖下為深潭雖嚴冬暖氣如蒸名透水湖又有觀音洞在長河右側深闊一二丈許內外皆懸石洞有小孔側耳聽之作金

鼓之音崖上泉涓涓下滴如水晶簾

鹿皮崖距縣百五十里

黃花川距縣百六十里

潘家口外

燕子峪距縣二百二十二里

牆子峪距縣二百四十里

東昌峪口外

水泉壑距縣二百五里

柵子庵口外

柘木林距縣二百十五里

永平府志

卷二十 山川二

二十七

蘑菇峪距縣二百二十五里

雙堂溝山距縣二百四十里

龍井關外

雄山距縣二百五十里與遵化州界

灤河在縣西三里

源委詳  
盧龍

每遇泛溢縣西南一帶輒受

其害明萬曆三十三年城北龍起莊沖開河口損田

廬無數四十年縣令張廷拱築隄禦之又嘗奔流城

下浸沒城門康熙十年縣令王永命築隄西門外禦

之其患始息今歷年久兩隄坍塌時復為患

南皮張太復雨後登縣門樓觀灤河漲勢慨然有作  
云一夜風雨狂灤河怒奔流橫潰擘山阜陸地斯行

舟滔入闔闔盡欲浮我駕一葉來直上城東  
樓目極睥睨外高下同滙漶洲哀哉彼種盡逐  
周遠浪排雲端灑灑澆凌滄洲今歲喜發生多  
游此方亦何辜儼蹈懷憂今往歸淪那復論如  
稠實穎而實栗堅好計日酬一往歸淪那復論  
邛沈竈而產蛙宇成龍湫眠食胥以淪戶牖誰  
繆我聞野人言龍藏需歲修大木資人間奔衝  
蚪或浮出地底或漂來山陬藉此波浪勢驅向  
收動見洪流中植立木萬頭茫隨煙霧陰燈照  
幽疑鬼而疑神是非人力伴猗嗟造物仁命惟  
求忍令損禾稼資彼築室謀儻復神禹遭定遣  
儻怪同巫支鎖遠向有界投奈何此遺孽恣睢  
尤里語夫豈然巫咸不搜誰為排天閭忱無汝  
由白波浩漫蒼旻遠悠安得千斯倉博濟無面  
鳩安得廈萬間露處僉莖悠安得千斯倉博濟無  
謳

永平府志

卷二十一 山川

邑人馬恂河崖古屋行云人生墜地自局縮閱世  
睽且瞳目前塵後塵塵相因橫據中間為歸宿豈知  
刹那非定蹤摧岸河出古人屋古屋何年沈地裏波  
蕩沙埋壯遺址何年今人來定居屋上架屋新起  
今屋正壓古屋頭古屋橫立回奔流長灤漱崖捲地  
盡勢漂今屋危如舟暗結古甌堅積鐵今屋始免昏  
墊憂今人自享古一人利古豈為今人謀今人古人  
無一面今屋古屋一相見水落河千更下窺旁羅  
突儼深院升沈遷變何必論世事如斯過飛電眼  
且作眼前心不名古屋名今居堰昔者秦人穿地  
泉叩之疑空如天似安知地底無人煙麻姑海叟  
飄然頗疑古屋亦若此安知地底無人煙麻姑海  
不可問遙憶黔蜀絕壁千尺橫懸船  
邑人潘文本曉過黃臺河詩云疎懶原成性晨興走  
馬牛笨車疲老僕殘夢續春愁古木下寒月虛沙起  
宿鷗一聲孤棹  
響漁火點汀洲

鴨子河在縣西六里許灤之支流也自白家窩鋪分支  
經黃臺山下流入灤亦有暖泉泡桑皮漚麻與三里

河同利

沙河在縣西二十里舊志作西北四十里源出赤嶺赤崖寺經好樹屯東流至松各莊合石河過七家嶺至院頭與王家河合歷安山口由沙河驛入灤州界又經豐潤界轉東南入於海案沙河之水並非名川係山水漲溢之所致無利而有害河西岸是土東岸是沙夏霖兩山水驟發將西岸平疇沃壤衝作沙灘以故地日窄而民日貧此水發源於遷安之車營寨至灤州之南白窪則漫散矣

石河在縣西三十里源出血石嶺至劉全莊合沙河過

七家嶺至院頭與王家河合至灤州西四十里海子

崖莊長灤入海

案永平石河有二一在撫甯縣東源出口外南至山海關入海

永平府志

卷二十

山川二

二十九

清河在縣西七十里有二源一出口外東馬道入城子

嶺口一出口外松嶺子入大嶺寨口至太平寨南合

流由長嶺峯至官寨下入灤即水經注之敖水也

寬河在縣西北七十里一名瀑河亦作豹河流百餘里

入灤即古高石水也又名薄河元一統志謂薄河源出

惠州西北苟至冷嶺合為寬河是也又在遼時謂之

柳河與今承德府南境之柳河異

還鄉河在縣西北七十里即溲水亦名環香河發源泉

莊南一里黃山之麓一泉湧出匯為方塘澄碧中噴

珠纍纍西流成河水勢甚駛由弔水院崖兒口達豐

潤城北松林莊至城西墘兒灣迤邐向西南入海明

成化十七年議者欲於豐潤還鄉河通漕永平是也

案燕山叢談凡水皆自西而東此水獨西俗謂之還

鄉河水利備考云明嘉靖四十五年詔濬豐潤縣還

鄉河轉運太平等寨軍餉於北齊張

官屯鴉鴻橋特設三閘以瀦水焉

長河在縣西北九十里源自口外聶門龍須三岔口入

董家口東經青山營太平寨西過稔子口至釣臺南

入灤卽水經注之黃雒水也

橫河在縣西北百里亦曰恆河源出元武山下經三屯

城北而東合獅子峪諸水過中峯山而西東流二十

里入灤

永平府志

卷二十 山川二

三十三

澈河在縣西北百六十里一名強河以波流洶湧也源

出口外黃崖陰過大安山後黃門子二百餘里會橫

水由龍井關流入合黑水過漢兒莊至澈河橋東二

里合灤河舊縣志云至趙家莊二里合灤

案趙家莊在縣西北

七十里

黑河在縣西北二百里入柵子庵口至漢兒莊南入澈

河

畿輔通志云徐流營三里河泉莊等處營田引徐流

河三里河黃山泉河之水仍洩於本河案灤河入

口邑首受之源高勢猛引用為難然各屬支河藉以

匯歸故少漲溢之患而涓滴皆農田之資徐流營山

下湧出五泉合流入桃林河三里橋湧泉流出灤河

又黃山之麓清泉噴湧俱夾岸可田前人論列甚悉

雍正四年縣治東北三里河徐流營西北雲峯寺等處營治稻田共十二頃七十八畝四分五年縣治西北泉莊營治稻田共二頃五十畝東南丁家泉半坡營蘆溝堡磨眼泉等處農民自營稻田九十九畝案明徐貞明西北水利議云遷安縣北徐流營山下湧出五泉合流入桃林河又三里橋湧泉流出灤河又蠶姑廟湧泉成河與灤水相接夾河皆可田之地

蛤螺河在縣北三十里卽口外之乾河川也自白羊口外入城子嶺關與清河合至峽口入灤

白羊河在縣北四十里自白羊口北入關繞石門堡白道子至建昌營東南入冷口河卽水經注之大沮也

冷口河在縣北四十五里眾山水所聚口外爲沙河入口名冷口河自建昌東南流至萬軍山爲青龍河

永平府志 卷二十一 山川 三十一

溫泉河在縣北五十里一名煖泉源出劉家口西有泉三湧出如瀑布並流爲河至徐流南入青龍河爲水

田卽古溫泉水也 案水經注云溫泉出東北溫溪縣舊志載在冷口外四時長煖明守關闡臣立木檻建屋舍人多於此澡浴乃另一溫泉非蘆龍縣北之溫泉水也

兩水河一作涼水河在縣東北三十五里至萬軍山入青龍河迤南至虎頭石入灤

青龍河在縣北七十里源出口外刀兒磴西北眾山溝入桃林口經鹿尾山而西南至萬軍會諸水至蘆龍

界下虎頭石會灤 案青龍河亦曰涼河源出都山東由冷口關流入經建昌營南與白洋河會又南經蘆龍西南入於漆卽古蘆水之小沮也水經注云小沮水發冷溪世謂之冷池又南得溫

泉水口注之又南流與大沮水合而為盧水也

三里河在縣東三里源出小寨莊南東流經岳孤山下南流至盧溝堡入灤即岳孤水也盛夏愈冷嚴冬不

冰案遷邑之水曰蛤螺河石河黑河清河白羊河冷

無害者莫如三里河三里河水勢本不甚闊發源於

降龍山小寨之南引流而南與灤水合自小寨新寨

沿河一帶至徐家崖楊家崖蘆溝堡四十餘村皆設

立紙坊就河水漚洗桑皮用以造紙通貨兩京商賈

萃聚大獲其利倍於田畝劉家營冷口外溫泉一帶

皆種稻田蠶姑廟亦種稻田邑東南十五里永新莊

有一小泉如磨眼人呼為磨眼泉夏不漲冬不涸北

與沙河脈相接村人多引泉布畦分秧以資灌溉

館水在縣西南五十里源出館山南流經乾河草莊由灤州界入豐潤陡河

龍井在龍井關外亂山交錯分上中下三井上井在山坳人迹罕至中井亦深不可測惟下井人皆易到以葛探之深十數丈戲投之石次日必湧出置井側歲旱禱雨輒驗

冷池在縣北四十里雖暑月泉氣如冰

以上諸水皆與灤會惟還鄉河與館水沙河石河不入於灤

以上遷安縣